

MIA PRESS CLIPPING

Datum: Srijeda, 26.08.2009.

Korisnik:

Općinski sud Sarajevo

Dokument 1 od 1 (4 objave)

Teme (ključne riječi):

Goran Salihović
Aziz Babić
Općinski sud u Sarajevu
Kanadski projekat JRP
Amra Karačić
Visoko sudsko i tužiteljsko vijeće

Naslovi:

1. Dužnicima plijene stvari (San)
2. Danas presude protiv UniCredit i Raiffeisen banke (Dnevni avaz)
3. Sumirani rezultati uvođenja notarijata (Dnevni avaz)
4. Uskoro elektronski uvezene službe (Dnevni list)

26.08.2009.	San		
Strana, naslov:	Str. 18 – Dužnicima plijene stvari		
Autor	E.A.		
Rubrika, mjesto	BiH		
Površina	18, 5 cm x 17 cm	Ocjena:	0
Ključna riječ	Općinski sud u Sarajevu		

*Ocjena: P – Pozitivna, 0 – Neutralna i N – Negativna

Sarajevski "Vodovod" pribjegao jedinoj mogućoj naplati

Dužnicima plijene stvari

Pokrenuli 400.000 tužbi • Dugovi iznose 50 miliona KM • Sarajevski "Vodovod" ne može natjerati da izmire dug bez sudske tužbe

Općinski sud u Sarajevu tvrdi da još nisu počeli plijeniti stvari od građana koje je tužilo preduzeće "Vodovod i kanalizacija".

- S obzirom da je menadžment ovog suda ustanovio da su se stekli uslovi da se intenzivira rad sudskih izvršitelja po komunalnim predmetima, stiče se dojam da je trenutno u toku akcija. Međutim, u pitanju je nova organizacija rada službe sudskih izvršitelja kojih trenutno u Općinskom sudu u Sarajevu ima 21 i naglašavamo da su organizovani tako da pokrivaju područje cijelog Kantona - ovako glasi polupismeni odgovor Općinskog suda na naš upit kad, gdje i kako će se plijeniti stvari od dužnika za vodu. Jedini konkretan odgovor sa Općinskog suda bio je da će zaplijenjena imovina biti smještena u jednom od objekata Vodovoda na Butilama.

Pošto "Vodovod i kanalizacija", kako ističe Mirsad Avdić, izvršni direktor za ekonomsko-pravne poslove ne provodi pljenidbu imovine ni od njega nismo mogli saznati detalje akcije. On je dodao da je njihov za-




Sarajevo: Ne mogu se dogovoriti o prebijanju duga

datak da, ukoliko dužnik ne želi da izmiri svoju obavezu, pokrenu tužbu, a ostalo je na sudu.

-U proteklih 12 godina pokrenuli smo 400.000 tužbi, jer su nam korisnici dužni 50 miliona maraka. Pošto dužnici neće ni na rate da

izmire svoja dugovanja, nemamo drugog načina nego da ih tužimo. Ipak, u ovoj godini od dužnika smo uspješni naplatiti 2,2 miliona KM, a u prošloj godini pet miliona-rekao je Avdić.

E. A.

26.08.2009.	Dnevni avaz		
Strana, naslov:	Str. 3 – Danas presude protiv UniCredit i Raiffeisen banke		
Autor	F.V.		
Rubrika, mjesto	Aktuelno		
Površina	15 cm x 7 cm	Ocjena:	0
Ključna riječ	Općinski sud u Sarajevu		

*Ocjena: P – Pozitivna, 0 – Neutralna i N – Negativna

Procesi zbog lihvarjenja pred Općinskim sudom u Sarajevu


Danas presude protiv UniCredit i Raiffeisen banke

Ibrahim Čolić, sudija Prekršajnog odjeljenja Općinskog suda u Sarajevu, objavit će danas presude u procesu protiv UniCredit i Raiffeisen banke zbog nezakonitog povećanja kamatnih stopa na kredite u otplati, potvrđeno je jučer „Dnevnom avazu“ u tom sudu.


To će, nakon pozitivne presude protiv Intesa Sanpaolo banke i njenog direktora Almira Krkalića, biti nove sudske odlu-

ke za bankarsko lihvarjenje.

U Federalnoj upravi za inspekcijske poslove tvrde da su uspjeli dokazati nezakonito podizanje kamatnih stopa te vjeruju da će presude i u ovim slučajevima biti pozitivne. Ako to zaista bude tako, Uprava za inspekcijske poslove FBiH započet će pripreme za podnošenje kolektivne tužbe nadležnom sudu protiv banaka koje su posljednjih mjeseci bespravno podizale kamate. *F.V.*




UniCredit: Jedna od tuženih banaka

26.08.2009.	Dnevni avaz		
Strana, naslov:	Str. 8 – Sumirani rezultati uvođenja notarijata		
Autor	n/a		
Rubrika, mjesto	Brzo kratko		
Površina	8, 5cm x 5 cm	Ocjena:	0
Ključna riječ	Općinski sud u Sarajevu, VSTV		

*Ocjena: P – Pozitivna, 0 – Neutralna i N – Negativna

Delegacija Notarske komore Austrije Sumirani rezultati uvođenja notarijata

Delegacija Notarske komore Austrije predvođena predsjednikom dr. Klausom Vošankom (Woschank) susrela se jučer u Sarajevu s predstavnicima notarskih komora FBiH i RS. Na sastanku, kojem su prisustvovali i dužnosnici Visokog sudskog i tužilačkog vijeća BiH, entitetskih ministarstava pravde, Općinskog suda Sarajevo i Okružnog suda Banja Luka, te predstavnici međunarodnih organizacija, sumirani su rezultati uvođenja notarijata kao javne službe u BiH te elaborirani pravci razvoja ove službe u skladu s evropskim standardima i iskustvima partnera iz Republike Austrije.

26.08.2009.	Dnevni list		
Strana, naslov:	Str. 6 – Uskoro elektronski uvezane službe		
Autor	A. Čampara		
Rubrika, mjesto	Događaji		
Površina	21 cm x 10 cm	Ocjena:	0
Ključna riječ	VSTV		

*Ocjena: P – Pozitivna, 0 – Neutralna i N – Negativna

Notorijat Republike Austrije pomaže bh. notarijat

Uskoro elektronski uvezane službe

SARAJEVO – Na konferenciji za novinare, koja je jučer održana u Notarskoj komori FBiH u Sarajevu, povodom posjeta predsjednika Notarske komore republike Austrije Klause Woschnaka, iznesena su dosadašnja postignuća, problemi i planovi za budući razvoj Notarijata BiH.

Na radnom sastanku razgovaralo se o implementacijama, stanju i budućem razvoju u ovoj oblasti.

Koliko je naša zemlja postigla na ovom planu, a koji je ujedno i jedan od uvjeta za ulazak u EU,

objasnio je predsjednik Notarske komore FBiH Sefedin Sljević, “Nakon dvije godine rada notarske službe, možemo se pohvaliti postignućima i reći da ćemo se truditi da uskoro osiguramo veću razinu na europskoj ljestvici, na kojoj smo do sada, u ovoj djelatnosti, bili veoma nisko.

Kako bi što više unaprijedili naš sistem i samim tim postigli veću pravnu sigurnost, ali i olakšali posao našim građanima, na današnjem sastanku s austrijancima, razgovaralo se

o implementaciji i uspostavljanju elektronskog sustava, koji će povezati sve notarske registre”, rekao je Sljević.

On je naglasio i to da se učinci notarske službe osjećaju na svim razinama i da su ljudi njima zadovoljni. Koliko je bitno povezivanje notarijata i gruntovnica i kolika je njegova nužnost govorio je i predsjednik Notarske komore RS-a Marinko Plavšić.

Hoće li s ovim doći i do smanjenja notarskih tarifa govorio je predsjednik VSTV Milorad Novković.

“Bilo bi dobro da se tarife smanje, točnije da budu kao sudske, međutim, toga sad za sada nema, ali se pregovara i na tom planu, tako da se nadamo da će se rješenje i za to pronaći”.

A. Čampara

